

# 陈情表

李 密

臣密言、

李密，字令伯，犍为武阳人。父早亡，母何氏更适人，密见养于祖母刘氏，以孝闻。侍疾，日夜未尝解带。蜀亡，晋武帝征为太子洗马。诏书累下，郡县逼迫，密上此疏。

臣以险衅、夙遭

闵凶。

险衅，艰难祸罪也。夙，早也。闵，忧也。○二句总下。

生孩六月、慈父见背。

父死。

行年四岁、舅夺母志。

舅嫁其母，不得守节。

祖母刘、愍臣孤弱、躬亲抚养。臣少多疾病、九岁不行。零丁孤

苦、至于成立。

一段、所谓臣无祖母无以至今日。

既无叔伯、终鲜

上声。

兄弟。门衰祚薄、

门户衰微、福祚浅薄。

晚

有儿息。

儿息得之甚晚。

外无期功强

上声。期、周年服也。功、大功也。强近、强为亲近

也。童、仆也。

茕茕孑立、形影相吊。

茕茕、孤独貌。孑、单也。吊、问也。唯形与影、自相吊问也。

而刘夙婴疾病、

婴、加也。

常在床

蓐。臣侍汤药、未尝废离。

一段、所谓祖母无臣无以终余年。

逮奉圣朝、

晋朝。

沐浴清化。

前太

守臣逵、察臣孝廉。后刺史臣荣、举臣秀才。臣以供养

去声。无人主供养之事。

辞

不赴命。

一次陈情在前。

诏书特下、拜臣郎中。寻蒙国恩、除臣洗马。

寻、俄也。拜官曰除。洗马、太子属官。

猥

委、以微贱、当侍东宫、非臣陨首所能上报、猥、顿也。东宫、太子宫也。陨、落也。臣具以表闻、辞

不就职。两次陈情在前。诏书切峻、责臣逋慢。郡县逼迫、催臣上道。州司临门、

急于星火。切峻、急切而严峻也。逋、缓也。慢、倨也。○连用察臣、举臣、拜臣、除臣、责臣、催臣、文法错落。臣欲奉诏奔驰、则以刘病日笃。

欲苟顺私情、则告诉不许。州县不从。臣之进退、实为狼狈。狼、前二足长、后二足短。狈、前二足短、后二足长。狼无狈不立、狈无狼不

行。若相离、则进退不得。○写出进退两难之状、以示不得不再具表陈情之意。伏惟圣朝以孝治天下、凡在故老、犹蒙矜育。矜怜、养育。况

臣孤苦、特为尤甚。且臣少事伪朝、伪朝、谓蜀汉也。对晋而称、不得不尔。历职郎署。官至尚书郎。本图宦

达、不矜名节。言我本谋为官职、非隐逸以名节自矜也。○密以蜀臣而坚辞晋命、恐晋疑其以名节自矜、故作此语。今臣亡国贱俘、俘、○军所虏获曰俘。至微至

陋。过蒙拔擢、岂敢盘桓、有所希冀。盘桓、不进貌。希冀、谓希望立名节也。○此段言己非不欲就职、振起下意。但以刘日

薄博、西山、气息奄奄、人命危浅、朝不虑夕。薄、迫也。日迫西山、喻刘老暮也。奄奄、将绝也。危易落、浅易拔。虑、谋也。言朝不谋至夕之生也。

臣无祖母、无以至今日。祖母无臣、无以终余年。母孙二人、更相平声、相

为命、是以区区不能废远。

更、迭也。言二人迭相依以为命。区区、犹勤勤也。废远、谓废养而远离祖母。○此段写尽慈孝、使人读之欲涕。

臣密今年四

十有四、祖母刘今年九十有六、是臣尽节于陛下之日长、报刘之日短

也。乌鸟私情、愿乞终养。

乌鸟反哺其母、言我有此乌鸟之私情、乞毕祖母之养也。○数语尤婉曲动人。○又连用况臣、且臣、今臣、是臣、文法更圆转。

臣之辛苦、

非独蜀之人士、及二州牧伯、所见明知。皇天后土、实所共鉴。

二州、谓梁州、益州。牧伯、谓荣、

逵。言非但人知我辛苦、天地亦知也。

愿陛下矜愍愚诚、听臣微志。庶刘侥幸、卒保余年。臣生当

陨首、死当结草。

魏武子有嬖妾、无子、武子疾、命子颖曰、吾死、嫁之。及困、又曰、杀以殉。颖乃从初言嫁之。后与秦将杜回战、颖见老人结草、以亢杜回。回蹶、为颖所获。中夜梦结草老人曰、予妾父也、报君不杀之心。

臣不胜升、犬马怖惧之情、谨拜表以闻。

历叙情事、俱从天真写出、无一字虚言驾饰。晋武览表、嘉其诚款、赐奴婢二人、使郡县供祖母奉膳。至性之言、自尔悲恻动人。